

瘍

醫

大

全

瘍醫大全目錄

卷四

腎經圖說

膀胱經圖說

心包絡經圖說

三焦經圖說

臟腑經絡穴道部位銅人圖

楊醫大全卷四

蕪湖顧世澄練江氏纂輯

腎錢之相真圖
男 柳變川和 全校

內景圖說

腎 膀胱 心包絡 三焦

臟腑經絡穴道部位銅人圖

心經 小腸經

肝經 膽經

脾經 胃經

肺經

大腸經

腎經

膀胱經

心包經

三焦經

督脉經


任脉經

衝脉經

陽蹻脉

陰蹻脉

陽維陰維脉



腎

經曰腎者作強之官伎巧出焉

又曰腎者任也主骨而任周身之事故強弱係之

甲乙經曰腎者引也能引氣通於骨髓

疋言曰腎者神也妙萬物而言也

經曰腎附於脊之十四椎下其合骨也其榮髮也開

竅於二陰

難經曰腎有兩枚重一觔二兩藏精與志

華元化曰腎者精神之舍性命之根

腎有兩枚形如豇豆相並而曲附於脊之兩傍相去各一寸五分外有黃脂包裹各有帶二條上條繫於心下條趨脊下大骨在脊骨之端如半手許中有兩穴是腎經帶過處上行脊髓至腦中連於髓海

又曰命處於中兩腎左右開闔正如門中棧闌故曰命門一陽處二陰之間所以成坎也靜而闔涵養乎一陰之真水動而開鼓舞乎龍雷之相火靜爲陽本陰爲陽基也

又曰足少陰經腎

又曰是經常少血多氣

又曰酉時氣血注於腎

黃庭經人身神名曰腎神玄冥字育嬰

靈樞曰耳者腎之官也腎病者顙與顏黑耳枯焦

象川翁曰精生於穀

然醴郁之味不能生精惟恬憺之味乃能補精生氣氣自生神

經曰精不足者補之以味

黃庭經曰急守精室勿妄泄閉而寶之可長活

經曰腎者主水受五藏六府之精而藏之

原註腎爲都會關司

之所非腎一
藏獨有精也

真詮曰五藏各有藏精並無停泊於其所蓋人未交
感精涵於血中未有形狀交感之後慾火動極而
周身流行之血至命門而變爲精以泄焉故以人
所泄之精貯於器拌少鹽酒露一宿則復爲血矣
經曰腎者在天之寒在地爲水在人爲腎在時爲冬
在方爲北在色爲黑通竅於耳經曰北方水也萬
物所以合藏也又曰藏真下於腎腎藏骨髓之氣
也肺金爲母肝木爲子膀胱爲腑尅火主骨若久

立則傷骨司藏與志其類水其畜統其卦坎其性
智其華在髮其穀豆其應四時上爲辰星其病在
骨其音羽羽者舒也陽氣將復萬物舒生也其數
六其臭腐其聲呻其氣吹其液唾在變動爲慄其
味鹹其虫鱗其果栗其菜藿下應腰腎而色黑然
黑欲如重漆光澤不欲如炭靈樞曰腎應骨密理
厚皮者三焦膀胱厚更腎主寒然寒則傷腎病主
爲疝瘕主黑陷若淫慾過度則傷腎濕氣勝則病
其病之候則面黑恐欠足寒逆氣腹痛飧泄而後

重膈下動氣腎實則腹膨脹而體重少氣不言骨
疼飧泄并小便少腎虛則欲墜下縮身面青皖白
顙顙開解下窻畏明心懸如饑胸痛引脊厥逆洩
多而耳鳴腎絕則反目直視狂言遺尿腰折骨枯
然腎絕者四日死平脉則冬旺七十二日而脉沉
濡石者沉濡而滑舉指來疾其賊脉則緩而大
并面大黃皆逆其危脉則石如轉索去如彈石
又曰腎又爲氣之藏主納

又曰其日壬癸北方生寒寒生水水生鹹鹹生腎腎

爲陰中之少陰通於冬氣

入門曰腎主受水穀之精而至靜惟子時濁氣一動而已

又曰腎與臍相對與腰相應腰者腎之外候

又曰腹爲陰陰中之陰腎也腎爲牝者陰也

又曰腰者腎之府轉搖不能腎將憊矣

又曰骨者髓之府不能久立行則振掉骨將憊矣

又曰諸寒收引皆屬於腎

靈樞曰腎者主爲外使之遠聽視耳好惡以知其性

又曰黑色小理者腎小虛理者腎大耳高者腎高耳後陷者腎下耳堅者腎堅耳薄不堅者腎脆耳好前居牙車者腎端正耳偏高者腎偏傾也

又曰腎小則藏安難傷腎大則善病腰痛易傷於邪腎高則苦背脊痛不可以俛仰腎下則腰尻痛或爲狐疝腎堅則不病腰背痛腎脆則善病消癰腎端正則和利難傷腎偏傾則苦腰尻痛也

又曰呼出心與肺吸入腎與肝度汗出浴水則傷腎難經曰久坐濕地強力入水則傷腎

又曰藏各有一腎獨有兩者何也然腎兩者非皆腎也其左爲腎其右爲命門命門者精神之所舍元氣之所係也男子以藏精女子以繫胞故知腎有二也

入門曰命門非正藏三焦非正府也

靈樞曰邪在腎則病骨痛陰痺陰痺者按之而不得腹脹腰痛大便難肩背頸項痛時眩

經曰腎熱者色黑而齒枯

又曰脾傳之腎病名曰疝瘕少腹寃熱痛出白一名

蠱

註曰出白謂
澀出白液也

又曰大骨枯槁大肉陷下肩髓內消動作益衰真藏
來見期一歲死見其真藏乃予之期日註曰此腎
之藏也期三百六十五日內死

難經曰外證面黑善恐數欠內證臍下有動氣按之
牢若痛其病逆氣小腹急痛泄如下重足脛寒而
逆

靈樞曰腎氣虛則厥實則脹

又曰腎實則腹大脛腫喘咳身重寢汗出憎風虛則

胸中痛大腹小腹痛清厥意不樂

入門曰腎虛則心懸如饑善恐

太乙真人曰戒色慾養精氣嚙津液養藏氣

無名子曰天一生水在人曰精地二生火在人曰神

經曰腎藏精與志志者專意而不移者也

又曰藏氣絕則神見於外

無錫游氏子以酒色得疾常見兩女子衣服鮮麗冉

冉至腰而沒醫者曰此腎神也腎絕則神不守舍故見於外也

靈樞曰恐懼而不解則傷精精傷則骨痠痠厥精時

自下

經曰其精管自兩腎脊骨間發來繞大腸之右從溺管下同出前陰而泄精

又曰水旺於冬相於秋廢於春囚於夏死於季夏其王日壬癸王時人定夜半困日丙丁困時禺中死日戊巳死時日昃

昃乃日昃也

又曰腎俞在十四椎旁募在京門腰間季脇

又曰腎者主蟄封藏之本精之處也

又曰北方黑色入通於腎開竅於二陰藏精於腎

二陰

前陰
後陰

又曰腎也者其榮在髮髮無潤澤者骨先死

又曰雨氣通於腎

又曰精氣并於腎則恐

又曰腎惡燥

又曰鹹走血血病無多食鹹

又曰久立傷骨勞於腎也

又曰損其腎者益其精

又曰腎色黑欲如重漆色不欲如地蒼

又曰黑如烏羽者生如始者死

始音苦

又曰腎熱者頤先赤

又曰腎熱病者先腰痛脛痠苦渴數飲身熱熱爭則

項痛而強脂寒且痠足下熱不欲言其逆則項痛

負負澹澹然

負負謂似急也澹澹謂似欲不足也

戊巳甚壬癸大汗

氣逆則戊巳死刺足少陰太陽

痠音酸

又曰腎開竅於二陰實則脹滿

又曰腎著之病其人從腰以下冷腰重如帶五千錢

又曰腎脹者腹滿引背央央然腰髀痛

又曰腎水者腹大臍腫腰重痛不得溺陰下濕如牛

鼻頭汗其人足逆寒大便皮堅

又曰腎病者色黑氣弱吸吸少氣兩耳苦聾腰痛時
時失精食減膝以下清其脉沉遲爲可治宜補清
也

又曰腎瘡者令人灑灑腰脊痛宛轉大便難目眴眴
然手足寒刺足太陽少陰

眴音絢
目動也

又曰肺移寒於腎爲涌水涌水者按腹不堅水氣客
於大腸疾行則鳴濯濯如囊裹漿治主於肺肺移
熱於腎傳爲柔瘕

瘕音次
惡也

又曰精脫者耳聾

仙經曰背後有三關腦後曰玉枕關夾脊曰轆轤關
水火之際曰尾閭關皆精氣往來之道路也若得
斗柄之機斡運則上下循環如天河之流轉也

謙甫曰夫腎藏天一以慳爲事志意內治則精全而
澁若思想外淫房室太甚則固有淫佚不守輒隨
洩尿而下然本於筋痿者以宗筋弛縱也

經曰其不御女漏者或聞淫事或見美色思想無窮
所願不得或入房太甚宗筋弛縱發爲筋痿而精

自出者謂之白淫宜乎滲漏而不止也

丹溪曰精滑專主濕熱宜知栢蠟蛤

經曰思想無窮所願不得意淫於外入房太甚宗筋弛縱發爲筋痿及爲白淫

入門曰少時慾過陽脫而遺泄者宜金鎖正元丹

又曰慾心一動精隨念去凝滯久則莖中疼痛常如欲小便然或小便而出或不從便出而自流者謂

之遺精比之夢遺尤甚

綱目曰一人虛而泄精脉弦大用五倍子一兩白茯苓二兩爲丸服之良愈

蓋脫之功敏於龍蠟

又曰不因夢而自泄者謂之精滑皆相火所動也

東垣曰面色白而不澤悲愁欲哭脉按之空虛是爲
脫精脫神宜峻補肝腎收斂補氣補益元陽

醫鑑曰童男陽盛情動於中志有所慕而不得遂成
夜夢而遺精愼不可補宜清心定志

張子和曰莖中作痛痛極則癢或陰莖挺縱不收或
出白物如精隨洩而下得之於房室勞傷及邪術
所使謂之白淫宜以降心火之劑下之

真誥曰精者人之神明者身之寶勞多則精散營兢

則明消

經曰心火旺盛腎水不足心有所欲速於感動疾於
施泄

又曰腎在志爲恐

又曰胃爲恐

註曰胃熱則腎
氣微弱故爲恐

又曰精氣并於腎則恐由心虛而腎氣并之故爲恐
靈樞曰足少陰之脉病善恐

又曰恐懼而不懈則傷精

又曰恐懼者神蕩散而不收

又曰恐則氣下

註曰上焦固禁下焦氣還故氣不行矣

子和曰肝藏血血不足則恐

綱目曰恐與驚相似然驚者爲自不知也恐者爲自知也蓋驚者聞響乃驚恐者自知如人將捕之狀及不能獨自坐卧必須人爲伴侶方不恐或夜必用燈燭亦恐懼者是也

靈樞曰腎盛怒而不止則傷志志傷則喜忘其前言經曰腎在志爲恐恐傷腎思勝恐

丹溪曰恐傷腎者以思勝之以憂解之

經曰主閉藏者腎也司疎泄者肝也二藏皆有相火而其系上屬於心心君火也爲物所感則易動則相火亦動動則精自走相火翕然而起雖不交會亦暗流而疎泄矣所以聖人只是教人收心養心其旨微矣

直指曰精之主宰在心精之藏制在腎氣虛不能管攝因小便而出者曰尿精因見聞而出者曰漏精入門曰初因君火不寧久則相火擅權精元一於走而不固甚則夜失連連日亦滑流不已宜坎離丸

知柏用童便九蒸九晒九露地黃煎膏先鹽湯下
又曰夢遺不可作虛冷亦有經絡熱而得之

脉經曰男子脉微弱而澁爲無子精氣清冷也

又曰澁脉爲精血不足之候丈夫脉澁號傷精

又曰澁爲精竭血枯

脉訣曰遺精白濁當驗與尺結扎動緊二證之的

醫鑑曰微澁傷精

戴氏曰夢遺精滑皆相火所動久則有虛而無寒也

又曰夢遺日久氣下陷宜升提腎氣以歸原

本事曰腎氣閉卽泄精

素問曰腎者作強之官伎巧出焉又曰腎藏精蓋腎能攝精氣以生育人倫者也或有或散皆主於腎今腎氣衰則一身之精氣無所管攝故妄行而出不時

綱目曰夢遺屬鬱滯者居大半庸醫不知其鬱但用瀉劑固脫殊不知愈泄愈鬱其病反甚

仲景曰失精家小腹弦急陰頭寒目眩髮落脉極虛芤遲爲清穀亡血失精男子失精女子夢交

經曰腎氣通於耳腎和則能聞五音矣

靈樞曰有所用力舉重若入房過度汗出浴水則傷腎

經曰病在腎愈在春春不愈甚於長夏長夏不死持於秋起於冬

又曰腎病者愈在甲乙甲乙不愈甚於戊己戊己不死持於庚辛起於壬癸

又曰腎病夜半慧四季甚下晡靜

又曰腎苦燥急食辛以潤之開腠理致津液通氣也

腎欲堅急食苦以堅之用苦補之鹹瀉之

又曰腎病禁犯焮煖熱食溫炙衣

綱目曰腎本無實不可瀉

錢氏曰只有補腎地黃元無瀉腎之藥

綱目曰左腎屬水水不足則陰虛宜六味地黃丸右
腎屬火火不足則陽虛宜八味丸加減八味丸

又曰六味地黃丸血虛陰衰熟地黃爲君精滑山茱
萸爲君小便若多或少或赤或白茯苓爲君小便
淋澀澤瀉爲君心氣不足丹皮爲君皮膚乾澀山

藥爲君

入門曰小便清利脉沉遲是冷氣歸腎小便赤澀脉沉數是熱氣歸命門是腎與命門脉同者謂其所受之病同歸於膀胱一府也

經曰少陰終者面黑齒長而垢腹脹閉塞上下不通而終矣

金匱直言論曰冬氣者病在四肢腎之應也

靈樞曰足少陰氣絕則骨枯少陰者冬脉也伏行而濡骨髓者也故骨不濡則肉不能着也骨肉不相

親則肉軟却肉軟却故齒長而垢髮無澤髮無澤者骨先死戊日篤己日死

仲景曰溲便遺失狂言目反直視者此爲腎絕也脉浮而洪身汗如雨喘而不休水漿不下形體不仁乍靜乍亂者此爲命門絕也

脉經曰腎絕四日死何以知之齒爲暴枯面爲正黑目中黃色腰中欲折自汗如流水一云人中平十日死

夢與鬼交而泄精名曰夢遺專主於熱

又曰腎欬之狀則腰背相引而痛甚則欬涎欬音似逆氣也

又曰腎風之狀多汗惡風面疣然浮腫疣音非脊痛豐厚貌

不能正立其色焔隱曲不利診在肌上其色黑

又曰腎痺者善脹尻以代踵脊以代頭如人垂首向地尋物貌

又曰腎氣盛則夢腰脊兩解不相屬虛則夢見舟船

溺人厥氣客於腎則夢臨淵没居水中

又曰是動病則饑不欲食面黑如地色咳唾則有血

喝喝而喘坐而欲起目眈眈如無所見心如懸病

饑狀氣不足則善恐心惕惕如人將捕之是謂骨

厥是主腎

又曰所生病者口熱舌乾咽腫上氣嗌乾及痛煩心
心痛黃疸腸癰脊臂股內後廉痛痿厥嗜臥足下
熱而痛盛者寸口大再倍於人迎虛者寸口反小
於人迎也

又曰腎主寒自病則足脛寒而逆人之五藏惟腎無
實小兒痘瘡變黑陷是腎水尅退心火多不治也
又曰心乘腎微邪內熱不惡寒桂枝丸

又曰肺乘腎虛邪喘嗽皮澁而寒白部丸

又曰肝乘腎實邪拘急氣搖身寒理中丸

又曰脾乘腎賊邪體重泄瀉身寒理中丸

人鏡經曰五行之間惟腎之一臟母盛而子反受邪是物之性有不可一槩論者肺腎是也何則肺屬金應乎皮毛所主者氣腎屬水主乎骨髓所藏者精氣之輕浮能上而不能下精之沉重能下而不能上此物性之自然今肺盛乃熱作也氣得熱而上蒸則肺不能下生於腎則腎受邪矣急以涼藥解之使藏氣溫和自能下生於腎此腎病必先求

之於肺若肺和而腎忽受病不過脾濕相刑所以
有解肺熱去脾邪二藥若脾肺俱和而腎自病亦
當察其本臟虛實而治之

足少陰腎引經藥歌 酉腎猪膚猪苓白茯苓牡丹

皮澤瀉肉桂阿魏丁香香山萸肉吳茱萸黃蘗砂仁

烏藥敗醬天門冬牡蠣停豆豉桔梗五味子元參

并獨活益智仁檀香甘草地骨皮或硃砂行下行

知母附子地黃地榆蒼木右腎沉香黃芪益附稱

難經曰冬脉石

經曰勞而動血者屬腎

又曰若喉中常有血腥一咯血卽出或鮮或紫或細屑者爲咯血或鮮紅隨唾而出爲唾血唾中帶血咯出有血或血絲皆出於腎

又曰腫脹水腫有十種之分腰痛足冷爲腎水總而論之腎虛不能行水脾虛不能制水

又曰諸髓者皆屬於腦

又曰黑如烏羽者生黑如煤炭者死

又曰腎則夢腰脊解軟虛則夢涉水恐懼

又曰聲啞不出寒厥不回二便閉不能通泄不能禁者腎臟氣絕不治證

又曰耳聾絕無聞骨痛之極者腎之經病危證

補

地黃 山萸肉 芡實 山藥
枸杞 桑螵蛸 牡蠣 杜仲

牛膝 龍骨 瑱陽
虎骨 龜板

瀉

知母 黃柏

溫

附子 鹿茸 破故紙
肉桂 沉香 肭臍


涼

知母 牡丹皮
黃柏 地骨皮

引經報使

獨活 肉桂

下聯前陰溺之所出



膀胱

經曰膀胱者州都之官津液藏焉氣化則能出矣

又曰膀胱者言其橫於前陰之旁以通水也膀胱者言其質之薄而明也合而言之以其由虛而實旁通水道通身虛鬆可以畜水漸漬而滲入胞中胞滿而溺出也

又曰膀胱當十九椎居腎之下大腸之前有下口無上口當臍上一寸水分穴處爲小腸下口乃膀胱上際水液由此別迴腸隨氣泌滲而入其出其入

皆由氣化入氣不化則水歸大腸而爲泄瀉出氣
不化則閉塞下竅而爲癰腫後世諸書有言其有
上口無下口有言上下俱有口者皆非

難經曰膀胱重九兩二銖縱廣九寸盛溺九升九合
口廣二寸半

又曰足太陽經膀胱

又曰是經多血少氣

又曰申時氣血注於膀胱

靈樞曰膀胱在小腹之內

又曰鼻孔在外膀胱漏泄

難經曰膀胱以虛受水爲津液之府有上口而無下口得氣海之氣施化則溲便注瀉氣海之氣不足則秘澀不通

經曰水液自小腸泌別汁滲入膀胱之中胞氣化之而爲尿以泄出也

東垣曰膀胱雖爲津液之府至於受盛津液則又有胞而居膀胱之中

類纂曰膀胱者胞之室也

經曰水泉不止者膀胱不藏也得守者生失守者死
甲乙經曰膀者橫也胱者廣也言其體橫廣而短也
經曰膀胱脹者小腹滿而氣癢

又曰厥氣客於膀胱則夢遊行

又曰膀胱有熱則淋閉膀胱不約爲遺溺
溺音尿謂睡中遺尿也

又曰膀胱津液之府水注由之然足三焦脉實約下

焦而不通足三焦脉虛不約下焦則遺溺也膀胱

又名足三焦也

又曰是動病則衝頭痛目似脫項似拔脊痛腰似折
髀不可以曲脘如結膈如裂是為蹠厥是主筋

又曰所生病者痔瘡狂顛疾頭顛頂痛目黃淚出鼽
衄頂背腰尻脘膈脚背痛小指不用盛者人迎大
再倍於寸口虛者人迎反小於寸口也

足太陽膀胱引經藥歌 申膀胱 瀉滑石 茵陳肉桂

猪苓白茯苓羌活麻黃黃蘗蔓荊子 親行下大黃

并白朮澤藁本羌防已藥同因

膀胱實熱小便赤澁虛寒小便數或漏精精冷厚稠如米泔

靈樞曰腎應骨密理厚皮者三焦膀胱厚麤理薄皮者三焦膀胱薄疎腠理者三焦膀胱緩皮急而無毫毛者三焦膀胱急毫毛美而麤者三焦膀胱直稀毫毛者三焦膀胱結也

又曰膀胱病者小腹偏腫而痛以手按之卽欲小便而不得肩熱若脉陷及足小指外廉脛踝後皆熱

入門曰膀胱病者熱結下焦小腹苦滿胞轉小便不利令人發狂冷則濕痰上溢而爲多唾小便淋漓

或遺尿

又曰膀胱虛則小便不禁宜既濟丸加減八味丸倍
山萸加烏藥益智故紙實則小便不通宜益元散
葵子湯葵子赤茯苓枳實木通黃芩甘草
猪苓車前子瞿麥滑石姜引五苓散
膀胱主藥也

內經曰膀胱不利爲癰不約爲遺尿

又曰遺尿狂言目反直視爲膀胱絕也

又曰膀胱之脉爲足太陽其終也戴眼反折瘈瘲其
色白絕汗乃出絕汗出則死矣

經曰太陽司天寒淫所勝則病心澹澹大動是寒傷心也

又曰腫脹水腫有十種之分腹急肢瘦爲膀胱水

補

橘核
續斷

龍骨
菖蒲

益智仁

瀉

芒硝
滑石

澤瀉
車前子

溫

茴香
烏藥


涼

生地
黃柏

甘草稍

引經報使

藜蘆
黃柏
羌活
獨活



心包絡

經曰包絡者護衛心主不使濁氣干之正猶君主有宮城也

又曰心包絡一經難經言其無形

滑伯仁曰心包絡一名手心主以藏象校之在心下橫膜之上豎膜之下其與橫膜相粘而黃脂裹者心也脂膜之外有細筋膜如絲與心肺相連者心包也此說爲是言無形者非

又按靈蘭秘典論十二官獨少心包一官而多膻中

者臣使之官喜樂出焉一段今攷心包藏居膈上
經始胸中正值膈中之所位居相火代君行事實
臣使也此一官卽心包無疑矣

又曰手厥陰經心包絡

又曰是經多血少氣

又曰戌時氣血注於心包絡

補

地黃

瀉

枳殼
烏藥

溫

肉桂


涼 梔子

引經報使

柴胡 青皮
川芎

靈樞曰十二原以心包經大陵穴爲心之原明真心
不受邪故知手心主代君火也

又曰是動病則手心熱臂肘攣急腋腫甚則胸脇支
滿心中澹澹大動面赤喜笑不休目黃是主心包
手厥陰心包絡引藥歌 戊包敗醬柴胡 白朮 牡丹
皮熟地與沙參更有下行經絡藥青 皮 柴胡 熟地
可相親



三焦

經曰三焦者決瀆之官水道出焉

中藏經曰三焦者人之三元之氣也主升降出入總領五藏六府營衛經絡內外左右上下之氣三焦通則內外左右上下皆通其於周身灌體和內調外營左養右導上宣下號曰中清之府莫大於此也形色最赤總護諸陽非無狀而空有名者也

經曰手少陽經三焦

又曰是經少血多氣

又曰亥時氣血注於三焦

靈樞曰上焦如霧中焦如漚下焦如瀆

入門曰上焦主出陽氣溫於皮膚分肉之間若霧露之漚焉故曰上焦如霧中焦主變化水穀之味其精微上注於肺化而爲血行於經隧以榮五藏其身故曰中焦如漚下焦主通利溲便以時傳下出而不納開通秘塞故曰下焦如瀆

又曰心肺若無上焦何以宗主榮衛脾胃若無中焦何以腐熟水穀肝腎若無下焦何以疎決津液無

形而有用作主持諸氣三焦者水穀之道路氣之所終始也

正傳曰三焦指腔子而言包含乎腸胃之總司也胃中育膜之上曰上焦育膜之下臍之上曰中焦臍之下曰下焦總名曰三焦

東垣曰上中下三焦通爲一氣衛於身也三焦非正府也無形而有用

入門曰三焦爲丙火之府故其發也爲無根之相火經曰下焦溢爲水

經曰手少陽三焦經與手厥陰爲表裏三焦者水穀
之道路氣之所終始也上焦者在心下下膈主內
而不出其治在膻中直兩乳陷者是中焦者在胃
中脘當臍上四寸不上不下主腐熟水穀其治在
臍傍下焦者在臍下當膀胱際也主分別清濁出
而不內以傳道也其治在臍下一寸焦原也三焦
者三原之氣也

內音納 上焦主出陽氣溫於皮
膚分肉之間若霧露之溉焉中焦

主變化水穀之味爲血以榮五藏六府下焦主通
利溲以時傳下故曰出而不內 溲音苴

九墟云中焦亦並於胃中出上焦之後此腎受氣以

別糟粕蒸津液化其精微上注於肺脉乃化而爲
血以奉生身故得獨行於經隧命曰榮氣故言中
焦如漚也仲景曰下焦不和清便重下大便數難
臍腹築痛故曰三焦者寄與胸中

脉訣云三焦無狀空有名愚謂三焦者三原之氣也
實非無形但不專主一臟耳旣爲元氣別使又爲
傳化之腑由十二經始於中焦常與衛氣俱行故
扁鵲指爲水穀之道路氣之所終始也上焦出於
胃上口並咽以上貫膈布胸走腋而至太陰之分

中焦亦並胃中出上焦之後下焦別迴腸注於膀胱而滲入焉手厥陰心包乃其合也布絡三焦而三焦之經則又散絡心包苟無其形將何所憑而包絡從何所附以傳化焉三元參贊云其體有一脂膜如掌狀與膀胱相對有白脉自其中出夾脊而上貫腦竊謂如霧如漚喻其明之薄處如漬云者則又指夫滲入膀胱處也一名外府一名虛臟信然晞范曰此三焦有名無形正臟腑有餘不盡之義苟止心肝脾肺腎而無三焦所寄之腑是人

身與天地爲二矣

又曰藏府俱五者謂手心主非藏三焦非府也以臟腑俱六者合手心主與三焦也難經曰臟惟有五腑獨有六者何也所謂腑有六者謂三焦也有原氣之別焉主持諸氣有名而無形其經屬手少陽此外腑也故言府有六

又云十二經五藏六府十一耳其一經者何等經也然一經者手少陰與心主別脉也心主與三焦爲表裏俱有名而無形故言經有十二也緣不專主

一臟故言有名無形正理論云三焦者有名無形
上合於手心主下合於右腎遂有命門三焦表裏
之說殊不知包絡相火附名右腎夫人之臟腑一
陰一陽自有定耦豈得一經而兩配之理所謂上
合手心主正言其爲表裏下合右腎者正言其與
包絡相火相合又以三焦爲原氣之別使也知此
則知命門與腎通三焦無兩配矣

脉訣曰右尺脉浮則風邪客於下焦大便熱秘浮而
虛元氣不足沉則水病腰脚痛沉細下痢臍寒痛

通遲則寒瀉小腹冷腰脚重數則小便赤大便秘
浮數表熱沉數裏熱滑則相火炎盛夢泄陰虛婦
人和滑則爲有孕濇則大便澁津液衰其餘診法
與腎脈同

又曰是動病則耳聾渾渾惛惛噤腫喉痺是主氣

手少陽三焦引經藥歌 亥焦地骨皮川芎黃芪白

朮附子壽皮柴胡熟地逢白虎細辛皆在內青柴

下走共川芎

又凡一切治法倣心經用

海藏曰上焦如霧霧不散則爲喘滿此出而不納也
中焦如瀼瀼不利則爲留飲留飲不散久爲中滿
此上不能納下不能出也下焦如瀆瀆不利則爲
腫滿此上納而下不出也

靈樞曰鼻柱中央起三焦乃約

又曰三焦病者腹氣滿小腹尤堅不得小便窘急溢
則水留卽爲脹

又曰小腹痛腫不得小便邪在三焦約也

經曰三焦爲上中下水穀之道路其病通利大小便

爲主

補

黃芪
益智

甘草

瀉

澤瀉

溫

附子

涼

石膏

引經報使

柴胡
川芎

青皮

論臟腑經絡穴道部位始知瘡瘍何經受病

凡視瘡瘍當知部位屬於何臟何腑然後醫治用藥
自無錯悞矣謹照銅人腧穴針灸圖經繪圖詳註
俾學者留心參攷施治有當耳

黃帝問曰余聞氣穴三百六十五以應一歲未知其
所願卒聞之岐伯稽首再拜對曰窘乎哉問也其
非聖帝孰能窮其道焉因請溢意盡言其處雷公
問曰禁服之言凡刺之理經脉爲始願聞經脉之
始生帝荅曰經脉者所以決死生處百病調虛實

不可不通矣

足少陰心經

左右各九穴



歌曰

手少陰屬心經少衝少府與神門陰郄通里近靈道
少海青靈肘內尋極泉腋下筋間動九穴雙雙須
認真

手少陰之脉起於心中出屬心系下膈絡小腸其支
者從心系上俠咽系目其直者復從心系却上肺
出腋下下循臑內後廉行太陰心主之後下肘內
廉循臂內後廉抵掌後兌骨之端入掌內廉循小
指之內出其端是動則病噤乾心痛渴而欲飲是

謂臂厥是主心所生病者目黃脇痛臍臂內後廉痛厥掌中熱也

少衝二穴

一名經始在手小指內廉端去爪甲如韭葉

少府二穴

在手小指本節後陷中直勞宮

神門二穴

一名兌衝一名中都都在掌後兌骨端

陰郄二穴

在掌後脉中去腕五分

通里二穴

在腕後一寸

靈道二穴

在掌後一寸五分或曰一寸

少海二穴

一名曲節在肘內廉節後陷中

青靈二穴

在肘上
三寸

極泉二穴

在臂內腋
下筋間動脈入胸

歌曰

手太陽小腸十九穴路從少澤步前谷後谿之隆道
遊腕骨觀陽谷養老之宗得支正於小海逐肩貞
以相從值臑膺兮遇天宗乘乘風兮曲垣中肩外
俞兮肩中俞啓天窓兮見天容匪由觀膠曷造聽
宮

手太陽之脉起於小指之端循手外側上腕出踝中
直上循臂骨下廉出肘內側兩骨之間上循臑外
候廉出肩解繞肩胛交肩上入缺盆向腋絡心循

咽下膈抵胃屬小腸其支別者從缺盆循頸上頰
至目銳眦部入耳中其支者別頰上頤抵鼻至目
內眦斜絡於顴是動則病噤痛頰腫不可回顧肩
似拔臄似折主腋所主病者耳聾目黃頰頰腫肩
臄肘臂外後廉痛也

少澤二穴

一名少吉在小指之端去爪甲下一分

前谷二穴

在手小指外側在節前陷中

後谿二穴

在手小指外側在節後陷中

腕骨二穴

在手外側腕前起骨下陷中

陽谷二穴

在手外側腕中兌骨下陷中

養老二穴

在踝骨上一空在後一寸陷中

支正二穴

在腕後五寸別走少陰

小海二穴

在肘內大骨外去肘端五分陷中

肩貞二穴

在肩曲胛下兩骨解間

臑腧二穴

在俠肩髃後大骨下胛上廉陷中

天宗二穴

在秉風後大骨下陷中

秉風二穴

在天髃外肩上小髃後舉臂有空

曲垣二穴

在肩中央曲胛陷中

肩外俞二穴

在肩胛上廉去脊三寸

肩中俞二穴

在肩胛內廉去脊三寸

天窗二穴

一名窻龍在頸大筋前曲頰下扶突後動脉陷中

天容二穴

在耳下曲頰後

額膠二穴

在面頰骨下廉

聽宮二穴

在耳中珠子大如小豆是

足厥陰肝經

左右各十三穴



歌曰

足厥陰一十三穴終起大敦於行間循太衝於中封
蠡溝中都之會膝間曲泉之宮襲陰包於五里陰
廉乃發尋羊矢於章門期門可攻

足厥陰之脉起於大指聚毛之上循足跗上廉去內
踝一寸上踝八寸交出太陰之後上膈內廉循股
入陰毛中環陰器抵小腹俠胃屬肝絡膽上貫膈
布脅肋循喉嚨之後上入頰頰連口系上出額與
督脉會於巔其支者從目系下頰裏環唇內其支

者復從肝別貫膈上注肺是動則病腰痛不可俛仰丈夫癢疝婦人小腹脹甚則盛乾面脫色是主肝所生病者胃滿嘔逆洞泄狐疝遺溺癰閉

大敦二穴

在足大指端去爪甲如韭葉

行間二穴

在足大指間動脈應手

太衝二穴

在足大指本節後二寸或一寸半動脈中

中封二穴

在足內踝前一寸仰足而取之

蠡溝二穴

在內踝上五寸

中都二穴

在內踝上七寸脛骨中

膝關二穴

在犢鼻下二寸陷中

曲泉二穴

在膝內輔骨下大筋上小筋下陷中屈膝得之在膝橫紋頭是

陰包二穴

在膝上四寸股內廉兩筋間

五里二穴

在氣衝下三寸陰股中動脈

陰廉二穴

在羊矢下去氣衝二寸

章門二穴

一名長平一名脅膠在大橫外直臍端

期門二穴

在不容傍一寸五分直乳第二肋端

歌曰

足少陽兮四十三竅陰俠谿極須詳一縱探得地五
會臨泣邱墟取次行懸鍾陽輔光明光外邱陽交
名別陽陽陵泉陽關穴中瀆環跳居髖接維道五
樞與帶脉京門同日月輒筋循淵腋肩井風池須
有別腦空承靈正營列目窓臨泣上陽白本神與
完骨竅陰又浮白天衝率谷耳上穴曲髻懸釐須
有節懸顙額厭曲周下客主人名上關攝還須聽
會一般般童子膠通脉不絕

足少陽之脉起於目銳眥上抵角下耳後循頸行手
少陽之脉前至肩上却交出少陽之後入缺盆其
支別者從耳後入耳中出走耳前至目銳眥後其
支別者目銳眥下大迎合手少陽於頰下加頰車
下頸合缺盆下胸中貫膈絡肝屬膽循脇裏出氣
衝繞毛際橫入髀厭中其直者從缺盆下腋循胸
過季脅下合髀厭中以下循髀太陽出膝外廉下
外輔骨之前直下抵絕骨之端下出外踝之前循
足跗上入小指次指之間其支別者從跗上入大

指循岐骨內出其端還貫入爪甲出三毛是動則
病口苦善太息心脇痛不能轉側甚則面微塵體
無膏澤足外反熱是爲陽厥是主膽所生病者頭
痛目銳眦痛缺盆中腫痛腋腫馬刀俠瘦汗出
振寒癰胸中脅肋髀膝外至脣絕骨外踝前及諸
節皆痛小指次指不用也

竅陰二穴

在足小指次指端去爪甲如韭葉

俠谿二穴

在足小指次指岐骨間本節前

地五會二穴

在足小指次指本節後

臨泣二穴

在足小指次指本節後間陷中去俠谿一寸半

邱墟二穴

在足外踝下如前去臨泣三寸

懸鐘二穴

在外踝上三寸

陽輔二穴

在外踝上四寸輔骨前絕骨端如前三分

光明二穴

在外踝上五寸

外邱二穴

在外踝上七寸

陽交二穴

一名別陽在外踝上七寸

陽陵泉二穴

在膝下一寸外廉陷中

陽關二穴

在陽陵泉上三寸

中瀆二穴

在髀骨外膝上五寸

環跳二穴

在髀中

居膠二穴

在章門下八寸三分

維道二穴

在章門下五寸三分

五樞二穴

在帶脉下三寸水道傍一寸五分

帶脉二穴

在季肘下一寸八分

京門二穴

一名氣府一名氣膈在脇骨腰中俠脊季肘外

日月二穴

在期門下五分直乳第二肘下

輒筋二穴

在腋下一寸復前行一寸著脊

淵腋二穴

在腋下一寸宛宛中

肩井二穴

在肩上一陷解中缺盆上大

風池二穴

在顛額後髮際陷中

腦空二穴

一名顛額在承靈後一寸五分使玉枕骨下陷中

承靈二穴

在正營後一寸五分

正營二穴

在目窓後一寸

目窓二穴

一名至榮在臨泣後一寸

臨泣二穴

當目上直入髮際五分

陽白二穴

在眉上一寸直目瞳子

卷四 穴道

本神二穴

在曲差傍一寸五分入髮際

完骨二穴

在耳後入髮際四分

竅陰二穴

在完骨上枕骨下

浮白二穴

在耳後入髮際一寸

天衝二穴

在耳後入髮際二寸

率谷二穴

在耳上入髮際寸半

曲鬢二穴

在耳上髮際曲隅陷中鼓額有孔

懸釐二穴

在曲周上顙顙下廉

懸顙二穴

在曲周上顙顙中

領厭二穴

在曲周下
顙顙上廉

客主人二穴

一名上關在耳前上
廉起骨開口有空

聽會二穴


在耳前陷中
開口有空

瞳子膠二穴

在目外
眥五分

足太陰脾經

左右各二十一穴



歌曰

足太陰脾中州二十一穴隱白遊赴大都兮瞻太白
訪公孫兮至商邱越三陰之交而漏谷地機可卽
步陰陵之泉而血海箕門是求入衝門兮府舍軒
豁解腹結兮大橫優游腹哀食竇兮接天谿而同
派胸鄉周榮兮綴大包而如鈞

足太陰之脉起於大指之端循指內側白肉際過覈
骨後上內踝前廉上腠內循胫骨後交出厥陰之
前上循膝股內前廉入腹屬脾絡胃上膈俠咽連

舌本散舌下其支別者復從胃別上膈注心中是
動則病舌本強食則吐胃脘痛腹脹善噫得後出
餘氣則快然而衰身體皆重是主脾所生病者舌
本痛體不能動搖食不下煩心心下急痛寒瘧瘡
瘰癧水下黃疸不能卧強欠股膝內腫厥足大指
不用也

隱白二穴

在足大指內側端
去爪甲角如韭葉

大都二穴

在足大指本
節後陷中

太白二穴

在足內側核
骨下陷中

公孫二穴

在足大指本節之後一寸

商邱二穴

在足內踝下微前陷中

三陰交二穴

在內踝上三寸骨下陷中

漏谷二穴

在內踝上六寸骨下陷中

地機二穴

一名脾舍在別走上一寸空中膝下五寸

陰陵泉二穴

在膝下內側輔骨下陷中

血海二穴

在膝上內廉白肉際二寸

箕門二穴

在魚腹上越筋間陰股內動脈

衝門二穴

去大橫五寸在府舍下橫骨端

府舍二穴 在腹結下三寸

腹結二穴 一名腸篇在腹橫下三分

大橫二穴 在腹哀下三寸五分

腹哀二穴 在日月下一寸五分

食寶二穴 在天谿下一寸六分

天谿二穴 在胃鄉下一寸六分


胃鄉二穴 在周榮下一寸六分

周榮二穴 在中府下一寸六分陷中

大包二穴 在淵腋下三寸九肋間

左右各四十五穴

足陽明胃經



歌曰

足陽明四十五屬兌內庭陷谷通衝陽解谿與豐隆
下巨條口各不同上巨三里犢鼻中梁邱陰市伏
兔叢髀關與氣衝歸來水道重大巨外陵別有容
天樞滑肉太乙宮關門梁門承滿充不容乳根與
乳中膺窻屋翳庫房洪氣戶缺盆氣舍冲水突人
迎大迎逢地倉乃交會之宮巨髆四白鼻目從承
泣頰車下關中額角髮際頭維終

足陽明之脉起於鼻交頰中下循鼻外入上齒中還

出俠口環唇下交承漿却循頤後下廉出大迎循
頰車上耳前過客主人循髮際至額顙其支別者
從大迎前下人迎循喉嚨入缺盆下膈屬胃絡脾
其直行者從缺盆下耳內廉下俠臍入氣衝中其
支者起胃下口循腹裏下至氣衝中而合以下髀
關抵伏兔下入膝臑中下循脗外廉下足跗入中
指內間其支者下膝三寸而別以下入中指外間
其支者別跗上入大指間出其端是動則病悽悽
然振寒善伸數欠顏黑病主惡人與火聞木音則

惕然而驚心欲動獨閉戶牖而處甚則欲上高而歌棄衣而走責嚮腹脹是爲肝厥是主血所生病者狂瘡溫淫汗出鼽衄口喎唇腫頸腫喉痺腹水腫膝臄腫痛循膺乳衝股伏兔胫外廉足跗上皆痛中指不用氣盛則身以前皆熱其有餘於胃則消穀善饑溺色黃氣不足則身以前皆寒慄胃中寒則脹滿盛也

厲兌二穴

在足大指次指端去爪甲如韭葉

內庭二穴

在足大指次指外間陷中

陷谷二穴

在足大指次指之間本節陷中上內庭二寸

衝陽二穴

一名會源在足趺上五寸骨間動脈上去陷谷三寸

解谿二穴

在衝陽後一寸半腕上陷中

豐隆二穴

在外踝上八寸下廉筋外廉間別走太陰

下巨虛二穴

一名下廉在上廉下三寸

條口二穴

在下廉上一寸

上巨虛二穴

一名上廉在三里下三寸

三里二穴

在膝下三寸筋骨外大筋內宛宛中

犢鼻二穴

在膝膑下筋骨上骨解大筋中

梁邱二穴在膝上二寸兩筋間

陰市二穴一名陰鼎在膝上一名陰鼎在膝上三寸伏兔下

伏兔二穴在膝上六寸起肉處

髀關二穴在膝上伏兔後交分中

氣衝二穴在歸來下鼠鼯上一寸動脈中

歸來二穴在水道下一二寸

水道二穴在大巨下三寸

大巨二穴在外陵下一寸

外陵二穴在天樞下一寸

天樞二穴

一名長谿一名谷門在脊
一長一寸五分俠膈二寸

滑肉門二穴

在太
下一寸

太乙二穴

在關門
下一寸

關門二穴

在梁門
下一寸

梁門二穴

在承滿
下一寸

承滿二穴

在不
容下一寸

不容二穴

在幽門
傍相去各
一寸五分
下同

乳根二穴

在乳中
下一寸
四分
仰而取之

乳中二穴

當乳
中是

鷹窻二穴

在屋翳下一寸六分

屋翳二穴

在庫房下一寸六分陷中

庫房二穴

在氣戶下一寸六分陷中

氣戶二穴

在巨骨下膺府兩傍相去各二寸陷中下同

缺盆二穴

一名天蓋在肩下一橫骨陷中

氣舍二穴

在頸直人迎下俠天突陷中

水突二穴

一名水門在頸大筋前直人迎下氣舍上

人迎二穴

一名五會在頸大脉動應手俠結喉傍一寸五分以候五臟氣

大迎二穴

在曲頰前一寸三分陷中動脈

地倉二穴

一名胃維俠口吻傍四分
分踠脉是陽明之交會

巨髎二穴

俠鼻傍八分
直目瞳子

四白二穴

在目一寸
直目瞳子

承泣二穴

在目下七分
直目瞳子

頰車二穴

在耳下曲
頰端陷中

下關二穴

在上關下
合口有空

頭維二穴

在額角髮際本
神傍一寸五分

手太陰肺經

左右各十一穴



歌曰

手太陰肺十一穴少商魚際指端論太淵經渠并列
缺孔最尺澤腕肘行俠白天府與雲門此中玄妙
理中府最堪尋

手太陰之脉起於中焦下絡大腸還循胃口上膈屬
肺從肺系橫出腋腋下循臑內行少陰心主之前
下肘中循臂內上骨下廉入寸口上魚循魚際出
大指之端其支者從腕後直出次指內廉出其端
是動則病肺脹滿膨膨而喘欬缺盆中痛甚則交

兩手而督是爲臂厥主肺所生病者咳嗽上氣喘
喝煩心胃滿膈臂內前廉痛掌中熱氣盛有餘則
肩背痛風汗出中風小便數而欠氣虛則肩背痛
寒少氣不足以息溺色變凡十二經之病盛則瀉
之虛則補之熱則疾之寒則留之陷則灸之不盛
不虛以經取之其十二經皆倣此也

少商二穴

在手大指端內側
去爪甲角如韭葉

魚際二穴

在手大指本節
後內側散腕中

太淵二穴

在掌後
陷中

經渠二穴

在寸口脉中

列缺二穴

在腕後一寸五分

孔最二穴

去腕上七寸

尺澤二穴

在肘約紋中

俠白二穴

在天府下三寸

天府二穴

在腋下一寸三寸

雲門二穴

在巨骨下俠氣戶傍各三寸陷中動脉應手舉臂取得之

中府二穴

在雲門下一寸乳上三肘間動脉應手

手陽明大腸經

左右各二十穴

迎香 禾髎 扶突 肩髃 臂臑 五里 肘髎 曲池 上廉 下廉



商陽 關門 二谷 合谷 陽谿 偏歷 溫留

歌曰

手陽明大腸二十穴循商陽二間三間而行歷合谷
陽谿之俞過偏歷溫溜之濱下廉上廉三里而近
曲池肘髃五里之程臂臑肩髃上於巨骨天鼎紆
手扶突禾髃唇連迎香鼻迫

手陽明之脉起於大指次指之端循指上廉出合谷
兩骨之間上入兩筋之中循臂上廉入肘外廉循
臑外前廉上肩出髃骨之前廉上出柱骨之會上
下入缺盆絡肺下膈屬大腸其支別者從缺盆上

頸貫頰下入齒縫中還出俠口交人中左之右右之左上俠鼻孔是動則病齒痛頰腫主津所生病者目黃口乾飢飢喉痺肩前臑痛大指次指痛不用也

商陽二穴

一名絕陽在手大指次指內側去爪甲角如韭葉

二間二穴

一名間谷在手大指次指本節前內側陷中

三間二穴

一名少谷在手大指次指本節後內廉側陷中

合谷二穴

一名虎口在大指岐骨間

陽谿二穴

一名中魁在腕中上側兩筋陷中

偏歷二穴

在腕中後三寸

溫留二穴

在腕後小土寸大土五寸

下廉二穴

在輔骨下去上廉一寸

上廉二穴

在三里下一寸

三里二穴

在曲池下二寸

曲池二穴

在肘外輔骨屈肘曲骨之中

肘髁二穴

在肘大骨外廉陷中

五里二穴

在肘上三寸脉中

臂臑二穴

在肘上七寸

肩髃二穴

兩在肩端骨間

巨骨二穴

兩在肩端上行兩叉骨間

天鼎二穴

在頸缺盆直扶突後一寸

扶突二穴

在氣舍後一寸五分

禾髃二穴

一名長頰直鼻孔俠水溝傍五分

迎香二穴

一名衝陽在禾髃上鼻孔傍

足少陰腎經

左右二十七穴



卷四

穴道

天

顧氏秘書

歌曰

足少陰兮二十七湧泉流於然谷太谿大鐘兮水泉
綠照海復溜兮交信續從築賓兮上陰谷掩橫骨
兮大赫麓氣穴四滿乎中注育俞上通乎商曲守
石關兮陰都寧閉通谷兮幽門肅步郎神封而靈
墟存神藏或中而膺府足

足少陰之脉起於小指之下斜趣足心出然谷之下
循內踝之後別入眼中上膈內出膈內廉上股內
後廉貫脊屬腎絡膀胱其直者從腎上貫肝膈入

肺中循喉嚨俠舌本其支者從肺出絡心注膈中
是動則病饑不欲食面黑如漆柴欬唾則有血噦
噦而喘坐而欲起目眊眊如無所見心如懸若饑
氣不足則善恐心惕惕如人將捕是爲骨厥是主
腎所生病者口熱舌乾咽腫上氣嗌乾及痛煩心
心痛黃疸腸澼脊臂股內後廉痛痿厥嗜卧足下
熱而痛也

涌泉二穴

一名地衝在足心陷中屈足卷指宛宛中

然谷二穴

一名龍淵在足踝前大骨下陷中

太谿二穴

在足內踝後跟骨上動脈陷中

大鍾二穴

在足跟後衝中

照海二穴

在足內踝下陰蹻脈所生

水泉二穴

去太谿下一寸在內踝下

復溜二穴

一名伏白一名昌陽在足內踝上二寸

交信二穴

在內踝上二寸少陰前太陰後

築賓二穴

在內踝上腓分中陰維之却

陰谷二穴

在膝內輔骨後大筋下小筋上

橫骨二穴

在大赫下一寸

大赫二穴

一名陰維一名陰關在氣穴下一寸

氣穴二穴

一名子戶在四滿下一寸

四滿二穴

一名髓府在中注下一寸

中注二穴

在育脬下一寸

育脬二穴

在商曲下一寸去臍旁五分

商曲二穴

在石關下一寸

石關二穴

在陰都下一寸足少陰之會

陰都二穴

一名石宮在通谷下一寸

通谷二穴

在幽門下一寸

幽門二穴

一各上開在巨關
傍相去各五分

步即二穴

一在神封下
一寸六分

神封二穴

一在靈墟下
一寸六分

靈墟二穴

一在神藏下
一寸七分

神藏二穴

一在或中下
一寸六分

或中二穴

一在胸府下一
寸六分陷中

胸府二穴

一在巨骨下璇璣
傍二寸陷中

足太陽膀胱經

左右各六十三穴

白環俞
中膂內俞
膈腧俞
小腸俞
有門

志室
胞肓
秩邊
天陽
胃都

三焦

腰陽關
腎俞
大腸俞
上髎
中髎
下髎
承扶
會陽
殷門

委中
合陽
承山
陽明

陽明

足陽



歌曰

足太陽膀胱六十三至陰通谷二穴藏束骨與京骨
金門同關梁申脉在外踝僕參仔細詳崑崙二穴
跗陽飛陽承山魚腹承筋膈腸合陽在膝之中央
委中又委陽浮郄股門之旁承扶秩邊共胞育志
室育門到胃倉意舍與陽綱魂門膈關諛諛神堂
膏肓腧魄戶相將附分會陽下髎中髎次髎上髎
要費平章白環腧中督俞膀胱俞小大之腸腎三
焦胃脾胆肝膈心厥陰肺一一分張風門名熱府

大杼在兩旁天柱玉枕各相當絡却通天方承光
五處曲差攢竹處睛明五脉會三陽

足太陽之脉起於目內眥上額交巔上其支別者從
巔至耳上角其直行者從巔入絡腦還出別下項
循肩膊內俠脊抵腰中入循膂絡腎屬膀胱其支
別者從腰中下貫臀入膕中其支別者從膂內左
右別下貫脾俠脊內過髀樞循髀外後廉下合膕
中下貫膕內出外踝之後循京骨至小指外側端
是動則病頭痛似脫項似拔脊痛腰似折髀不可

回轉腫如結臙如裂是爲踝厥是主筋所生病者
痔瘡癰疾頭項痛目黃淚出眇眇項背腰尻腫臙
脚皆痛小指不用也

至陰二穴

在足小指外側去
爪甲角如韭葉

通谷二穴

在足小指外側
本節前陷中

束骨二穴

在足小指外側
本節後陷中

京骨二穴

在足外側大骨
下赤白肉際

金門二穴

一名關梁在
足外踝下

申脉二穴

在外踝下陷中
陽蹻脉所生

僕叅二穴

一名安邦在跟骨下陷中

崑崙二穴

在足外踝後跟骨上陷中

跗陽二穴

在外踝上三寸

飛陽二穴

一名厥陽在外踝上七寸

承山二穴

一名魚腹一名傷山一名肉柱在兌臑腸下分肉間

承筋二穴

一名臑腸在臑腸中央陷中

合陽二穴

在膝約二寸中央

委中二穴

在臑中約二寸

委陽二穴

在承扶下六寸屈身取之

浮郤二穴

在委陽上一寸

殷門二穴

在肉郤下六寸

承扶二穴

一名肉郤一名陰關一名皮部在尻臀下股陰下衝文中央

秩邊二穴

在第三十一椎下陷中兩傍各三寸

胞肓二穴

在第十九椎下兩傍各三寸

志室二穴

在第十四椎下兩傍各三寸

肓門二穴

在第十三椎下兩傍各三寸

胃倉二穴

在第十二椎下兩傍各三寸

意舍二穴

在第十一椎下兩傍各三寸

陽綱二穴

在第十椎下兩傍各三寸

魂門二穴

在第九椎下兩傍各三寸

膈關二穴

在第七椎下兩傍各三寸陷中

諛譖二穴

在肩胛內廉俠脊第六椎下兩傍各三寸

神堂二穴

在第五椎下兩傍各三寸

膏盲腧二穴

在第四椎下近五椎下兩傍各三寸出于金外臺內經

魄戶二穴

在第三椎下兩傍相去各三寸正坐取之

附分二穴

在第五椎下附項內廉兩傍相去各三寸

會陽二穴

在陰尾尻骨間兩傍督脈所發

上髎二穴

在第一空腰踝下夾脊陷中

次髎二穴

在第二空夾脊陷中

中髎二穴

在第三空夾脊陷中

下髎二穴

在第四空夾脊陷中

白環腧二穴

在二十一椎下兩傍相去各一寸五分

中膂內腧二穴

在二十椎下兩傍相去各一寸五分

膀胱腧二穴

在十九椎下兩傍相去各一寸五分

大腸腧二穴

在十六椎下兩傍相去脊中各一寸五分

小腸腧二穴

在十八椎下兩傍相去脊中各一寸五分

腎腧二穴

在第十四椎下兩傍相去脊中各一寸五分

三焦腧二穴

在第十三椎下兩傍相去脊中各一寸五分

胃腧二穴

在第十二椎下兩傍相去脊中各一寸五分

脾腧二穴

在第十一椎下兩傍相去脊中各一寸五分

膽腧二穴

在第十椎下兩傍相去脊中各一寸五分

肝腧二穴

在第九椎下兩傍相去脊中各一寸五分

膈腧二穴

在第七椎下兩傍相去脊中各一寸五分

心腧二穴

在第五椎下兩傍相去脊中各一寸五分

厥陰腧二穴

在第四椎下兩傍各一寸五分出山跳附經

肺腧二穴

在第三椎下各俠脊相去一寸五分

風門二穴

一名熱府在第二椎下兩傍各一寸五分

大杼二穴

在第一椎下兩傍各一寸五分寸下同

天柱二穴

在頸大筋外廉俠項髮陷中

玉枕二穴

在絡却後一寸五分俠腦戶傍一寸三分

絡却二穴

一名強陽一名腦蓋在通天後一寸五分

通天二穴

一名天伯在承光後一寸五分

承光二穴

在五處後二寸

五處二穴

俠土星傍一寸五分

睛明一穴 在目內眦手足太陽
少陽陽明五脉之會

曲差二穴

俠神庭傍一寸五分入髮際

橫竹二穴

一名員柱一名始光一名光明在兩眉陷中

睛明二穴

在目內眦手足太陽少陽陽明五脉之會

手厥陰心包經

左右各九穴



歌曰

手厥陰心包之絡計有九穴之奇中衝勞宮與太陵
內關間使郄門竅曲澤天泉各二門天池與天會
總是一般名

手厥陰之脉起於胷中出屬心包下膈歷絡三焦其
支者循胷出脇下腋三寸上抵腋下循臑內行
太陰少陰之間入肘中下臂行兩筋之間入掌中
循中指出其端其支別者從掌中循小指次指出
其端是動則病手心熱臂肘癰急腋腫甚則胸脇

支滿心中澹澹大動面赤善笑不休目黃是主心
包脉所生病者煩心心痛掌中熱也

中衝二穴

在手
中指之端
去
爪
甲
如
韭
葉

勞宮二穴

在掌
中央
屈
無
名
指
取
之

太陵二穴

在掌
中
後
兩
筋
間
陷
中

內關二穴

在掌
後
去
腕
二
寸

間使二穴

在掌
後
三
寸
兩
筋
間
陷
中

郄門二穴

在掌
後
去
腕
五
寸

曲澤二穴

在肘
內
廉
陷
中
屈
肘
得
之

天泉二穴

一名天濕在曲腋下
去臂二寸舉臂得之

天池二穴

一名天會
在腋下乳後
一寸著脇直腋腋肘間

手少陽三焦經

左右各二十三穴

頭面頤頰耳
目鼻口舌喉
咽膈胃脾肝
膽心小腸大
腸膀胱腎
膽



臍中
臍旁
臍下

臍中
臍旁
臍下
臍上
臍下

歌曰

手少陽三焦之脉二十三穴之中關冲連開液門中
渚陽池外關支溝會宗三陽絡四瀆天井清冷淵
消滌臑會肩髃相連天膠處天牖之下翳風讓瘰
脉居先顙顙定而角孫近耳絲竹空而禾髃倒懸
耳門既闢夏竅聞焉

手少陽之脉起於小指次指之端上出次指之間循
手表腕出臂外兩骨之間上貫肘循臑外上肩交
出足少陽之後入缺盆交膺中散絡心包下膈徧

屬三焦其支者從臑中上出缺盆上項俠耳後直
上出耳上角以屈下頰至顙其支者從耳後入耳
中走出耳前過客主人前交頰却出至目銳背是
動則病耳聾耳鳴聾聵咽嗑腫喉痺是主氣所生病
者汗出目銳腎痛耳後肩臑肘臂外皆痛小指次
指不用也

關衝二穴

在手小指次指之
端去爪甲如韭葉

液門二穴

在手小指
次指陷中

中渚二穴

在手小指次
指本節後間

卷四 穴道

陽池二穴

一名別陽在手
表腕上陷中

外關二穴

在腕後二寸
別走心主

支溝二穴

在腕後三寸
兩骨之間

會宗二穴

在腕後一寸
空中一寸

三陽絡二穴

在臂上大交脉
支溝上一寸

四瀆二穴

在肘前五寸
外廉陷中

天井二穴

在肘外大骨之後
肘上一寸陷中

清冷淵二穴

在肘上二寸

消灤二穴

在肩下臂外間
腋解肘分下行

臑會二穴在肩前廉去

肩髃二穴在肩端臑上舉臂取之

天髃二穴在肩缺盆中上

天髃二穴在頸大筋外缺盆上天容後天柱前完骨下髮際上

翳風二穴在耳後尖角陷中

瘈脉二穴在耳本雞足青脉中

顙息二穴在耳後青脉中

角孫二穴在耳郭中間上開口有窠

絲竹空二穴一名目髃在

和髎二穴

在耳前兌髮陷中

耳門二穴

在耳前起肉當耳中鍊者

歌曰

督脉在背之中行二十七穴督脉下極之腧兮上巔
循素膠水溝兮兌端在於鼻唇斷交神庭兮通於
上星顙會兮前頂百會兮後頂強間腦戶風府瘰
門大傾陶道身柱須論神道靈臺兮至陽之經筋
縮脊中兮懸樞命門陽關與腰腧長強脊牴尋中
行二十七乾道海中行

督脉起於下極之腧竝于脊裏上至風府入腦上巔
循額至鼻柱屬陽脉之海其見症也脊強而腰厥

督者都也行背部中為陽脉之都綱乃奇經脉也

鼻柱下

素膠一穴

在鼻柱上端

水溝一穴

一名人中在鼻柱下人中督脉手陽明之交會直唇取之

兌端一穴

在唇上端

斷交一穴

在唇內齒上督任二脉之會

額上行

神庭一穴

直鼻上入髮際五分督脉足太陽陽明三脉之會

上星一穴

在神庭後入髮際一寸

顙會一穴 在上星後一寸五分

前項一穴 在顙會後一寸五分

百會一穴 一名三陽五會在前項後一寸五分頂中央旋毛中陷容豆督脉足太陽

之交

頂後至頂

後頂一穴 一名交衝在百會後一寸五分

強間一穴 一名大羽在後頂後一寸五分

腦戶一穴 一名匣風一名合顙在枕骨上強間後一寸五分督脉是太陽之會

風府一穴 一名舌本入項髮際一寸腦戶後一寸五分項大筋內窻窻中

背脊下

瘕門一穴

在風府後五分入髮際五分入系舌本陽維之會仰頭取之

大傾一穴

在第三頰上陷中

陶道一穴

在項大傾節下間督脉是太陽之會仰而取之

身柱一穴

在第三頰下

神道一穴

在第五頰節下

靈臺一穴

在第六頰節下

至陽一穴

在第七頰節下

筋縮一穴

在第九頰節下

脊中一穴

在第十一椎節下間俛而取之禁不可灸令人伛僂

懸樞一穴

在第十三椎節下間伏而取之

命門一穴

在第十四椎節下間伏而取之

陽關一穴

在第十六椎節下間伏而取之

腰膪一穴

在第二十一椎節下間

長強一穴

在脊端

中行

任脉圖



凡二十四穴

歌曰

任脉二十四穴任脉起中樞循腹上關元承漿與廉
泉天突璇璣轉華蓋與紫宮玉堂不可緩臚中名
元兒中庭膺膺纂鳩尾巨闕由上脘中脘建里又
下脘水分到神闕陰交氣海須不舛石門與關元
中極曲骨亦不遠循腹而中行會陰兩陰顯

任脉起於中極之下以上毛際循腹裏上關元至喉
嚨屬陰脉之海其見症也苦內結男子爲七疝女
子爲瘕聚

任者妊也行腹部中為生養之本乃奇經脉也

頤前

承漿一穴

一名天池在頤前唇下陷中足陽明之會

頤下

廉泉一穴

在頤下結喉上舌本仰而取之陰維任脉之會

膺膺

天突一穴

一名五戶在項結喉下四寸宛宛中

璇璣一穴

在天突下一寸陷中

華蓋一穴

在璇璣上二寸

紫宮一穴

在華蓋下一寸六分

玉堂一穴

一名玉英在紫宮下一寸六分

臚中一穴

一名元兒在玉堂下一寸六分兩乳間

中庭一穴

在臚中下一寸六分

腹中行

鳩尾一穴

在蔽骨之端言其骨垂下如鳩形故名臚前蔽骨下五分人無蔽骨者從

巨闕一穴

在鳩尾下一寸是也

上脘一穴

在巨闕下一寸五分去蔽骨三寸任脉手太陽足陽明之會也

中脘一穴

在臍上四寸胃募也三陽任脉之會謂上紀也

建里一穴

在中脘下一寸

下脘一穴

在建里下一寸足太陰任脉之會為幽門

水分一穴

在下脘下一寸

神闕一穴

在臍中

陰交一穴

在臍下一寸

氣海一穴

一名臍映一名下育在陰交下五分

石門一穴

在臍下二寸三分照幕女子焚炙

關元一穴

在臍下三寸小腸募謂下紀也三陰任脉之會

中極一穴在臍下四寸一名氣原

曲骨一穴一名回骨在橫骨之上陷毛際

會陰一穴在大便前小便後一

名屏翳兩陰間是也

衝脉

衝者通也言上至頭下至足通十二經之氣血其脉起於氣冲並陽明經夾臍上行至胃中而散卽臍之動氣脉也其見症也氣逆而裡急

帶脉

帶者束也總束諸經之脉也其脉起於季脇迴身一週其見症也苦腹滿腰溶溶如坐水中

按季脇在肋下接髁骨之間是也又曰卽脇下肋骨之盡處短骨間是也

陽蹻脉

蹻者健也是人動足之所由也其脉起於跟中循外踝上行入風池穴而止其見症也陰緩而陽急陽蹻得之太陽之別

兩足蹻脉者有陰有陽猶聖人圖設溝渠以備水潦斯無泛濫之患故人身之有經絡猶天地之有河道血脉之運行經絡猶源泉之傳流河道河道壅塞則水勢之泛濫無拘源泉枯涸則地道之脉氣閉塞人身血氣之於經絡亦然也

陰蹻脉

義與陽蹻同其脉亦起於跟中循內踝上行至咽喉
交貫衝脉而止其見症也陽緩而陰急陰蹻本諸
少陰之別

陽維陰維脉

維者維持之義爲諸脉之綱維陽維之脉起於諸陽
之會陰維之脉起於諸陰之交二經之見症也悵
然失志溶溶不能自持驚則癡愚喜忘恍惚